

Bosna i Hercegovina  
Federacija Bosne i  
Hercegovine  
Kanton Sarajevo  
Grad Sarajevo  
**OPĆINA CENTAR  
SARAJEVO**  
Općinski načelnik



Bosnia and Herzegovina  
Federation of Bosnia and  
Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и  
Херцеговине  
Кантон Сарајево  
Град Сарајево  
**ОПШТИНА ЦЕНТАР  
САРАЈЕВО**  
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 69. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 5. Odluke o izvršavanju Budžeta Općine Centar Sarajevo za 2025. godinu („Službene novine Kantona Sarajevo“ broj: 6/25 i 10/25), člana 4. Pravilnika o kriterijima i dodjeli novčanih sredstava za prilagođavanje putničkih automobila ratnim vojnim invalidima za samostalno upravljanje („Službene novine Kantona Sarajevo“ broj: 44/24 i 11/25) i u skladu sa Odlukom o pokretanju postupka raspisivanja i provođenja javnog poziva Općinski načelnik raspisuje:

**JAVNI POZIV**  
**za dodjelu novčanih sredstava za prilagođavanje putničkih automobila ratnim vojnim invalidima za samostalno upravljanje u 2025. godini**

**1. PREDMET JAVNOG POZIVA**

Predmet ovog Javnog poziva je dodjela novčanih sredstava za prilagođavanje putničkih automobila ratnim vojnim invalidima za samostalno upravljanje sa područja općine Centar Sarajevo.

**2. FINANSIJSKA SREDSTVA**

Sredstva za dodjelu novčanih sredstava za prilagođavanje putničkih automobila ratnim vojnim invalidima za samostalno upravljanje, raspoređivat će se u skladu sa odredbama Pravilnika o kriterijima i dodjeli novčanih sredstava za prilagođavanje putničkih automobila ratnim vojnim invalidima za samostalno upravljanje („Službene novine Kantona Sarajevo“ broj: 44/24 i 11/25) sa budžetske pozicije:

- 615211-2 Kapitalni transferi pojedincima Prilagođavanje putničkih automobila RVI;

Ukupan iznos sredstava iz Budžeta Općine Centar Sarajevo za 2025. godinu iznosi 20.000,00 KM.

Iznos novčanih sredstava za prilagođavanje putničkih automobila ratnim vojnim invalidima za samostalno upravljanje će biti utvrđen u skladu sa svakim pojedinačnim zahtjevom i iznosom navedenim na dostavljenim predračunima/računima.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

**3. CILJ JAVNOG POZIVA**

Cilj dodjele novčanih sredstava za prilagođavanje putničkih automobila ratnim vojnim invalidima za samostalno upravljanje je poboljšanje statusa korisnika prava iz oblasti boračko invalidske zaštite, te omogućavanje boljih uslova za njihovu integraciju u društvo.

- **UVJETI ZA OSTVARIVANJE PRAVA NA NOVČANA SREDSTVA ZA PRILAGOĐAVANJE PUTNIČKIH AUTOMOBILA RATNIM VOJNIM INVALIDIMA ZA SAMOSTALNO UPRAVLJANJE**

**Pravo na dodjelu novčanih sredstava za prilagođavanje putničkih automobila ratnim vojnim invalidima za samostalno upravljanje imaju:**

- Ratni vojni invalidi prve grupe sa 100% invalidnosti;

- **Uslovi za dodjelu novčanih sredstava za prilagođavanje putničkih automobila ratnim vojnim invalidima za samostalno upravljanje su:**

- da je lice koje podnosi zahtjev ima prebivalište na području Općine Centar Sarajevo;
- da je podnosilac zahtjeva ratni vojni invalidi prve grupe sa 100% invalidnosti;
- da lice posjeduje vozačku dozvolu;
- da je lice ostvarilo pravo na dodjelu novčanih sredstava za nabavku putničkog automobila putem Federalnog ministarstva za pitanja boraca i invalida odbrambeno- oslobodilačkog rata, a u skladu sa Uredbom o sufinansiranju nabavke putničkih automobila za ratne vojne invalide prve grupe sa 100% invalidnosti;

#### **4. POTREBNA DOKUMENTACIJA**

Podnosioci zahtjeva za dodjelu novčanih sredstava za prilagođavanje putničkih automobila ratnim vojnim invalidima za samostalno upravljanje su dužni dostaviti:

- Potvrda o prijavi prebivališta za podnosioca zahtjeva (pribavlja se službeni putem);
- Uvjerenje da je podnosilac zahtjeva korisnik lične invalidnine putem Službe za boračko invalidsku i socijalnu zaštitu (pribavlja se službenim putem);
- Ugovor o dodjeli novčanih sredstava za nabavku putničkog automobila za RVI zaključen sa Federalnim ministarstvom za pitanja boraca i invalida odbrambeno oslobodilačkog rata;
- Račun/predračun od ovlaštene firme koja ugrađuje ručne komande u automobile;
- Vozačka dozvola na uvid;
- Ovjerena kopija potvrde o registraciji vozila;

#### **5. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA**

Javni poziv će biti objavljen na oglasnoj ploči Općini Centar Sarajevo i na web stranici Općine Centar Sarajevo ([www.centar.ba](http://www.centar.ba)).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Prijave/zahtjevi sa kompletnom dokumentacijom podnose se na protokolu Općine Centar Sarajevo, svakim radnim danom od 07.30 do 16.00 sati, ili putem pošte na adresu: Općina Centar Sarajevo, Služba za boračko invalidsku i socijalnu zaštitu- Odsjek za boračko invalidsku zaštitu, ulica Miss Irbina broj 1.

Prijave/zahtjevi će se rješavati po redoslijedu podnošenja. Općinski načelnik će sa podnosiocem zahtjeva potpisati ugovor za dodjelu novčanih sredstava za prilagođavanje putničkih automobila za samostalno upravljanje.

Služba je dužna u roku od 30 dana od dana podnošenja zahtjeva obavijestiti podnosioca/ podnositeljicu zahtjeva o statusu predmeta.

Sve dodatne informacije mogu se dobiti u Službi za boračko invalidsku i socijalnu zaštitu - Odsjek za boračko invalidsku zaštitu Općine Centar Sarajevo, soba 31/prizemlje ili na broj telefona: 033/562-445.

**Općinski načelnik**

Srđan Mandić